

't Bakkes

Vreuger bij jieëder boerderiej
woar bienoa ee bakkes bij.
Neet draa vas, dat is toch kloar,
gedoa vuur 't brandjgevoar.

Achteraa in 't bakkes woar de oave,
diek besjmieërd mit leem va boave,
om de hêts van de oave bènne,
lang vas houte te kènne.

Ene oave boewe woar een kuns,
dat koosj neet jieëdere kluns.
Doa woare nog metselaesj diej neet woste
woeë ze mit beginne moste.

Sjanse diej nuuëdig woare vuur de bak,
woeërte in de wèntjer gemak.
Va beum en sjtruuk 't sijniehoot
woar vuur de sjanse good.

Mit sjtoake woar 't ene weet,
wiejnieë is de oave heet.
De sjteuëker zoog dat wiej vazelf
aa de sjteekluur van 't gewelf.

Woar hae heet genug, de oave,
effe poetse en 't broeëd i gesjoave.
Dat moosj 't langste sjtoa.
Later woeërt de vla ooch drin gedoa.

Es dan alles good woar doeërgbakke,
Koojs me 't weer droet goa pakke.
Mer 't moos da effe blieve sjtoa,
vuurdat 't noa bènne woeërt gedoa.

Frien